

KATRIYÈM PATI

Priyè krétyin-an

PRÉMIÉ SÉKSION

Priyè-a nan lavi krétyin-an

DÉZIÈM CHAPIT

Tradision priyè-a

ATIK 3

Gid pou priyè-a

Nuaj foul témouin-yo

2683 Témouin-yo ki pran dévan nou nan Rouayòm-nan (cf. He 12, 1),
spésialman sa-yo l'Égliz-la rékonèt kòm « sin »-yo, kominiké tradision
956 vivan priyè-a, ak égzanp lavi-yo, ak transmission sa yo té ékri-yo épi ak
priyè y-ap fè jodi-a. Y-ap kontanplé Bondié, y-ap fè louanj li épi yo pa
sispann pran souin moun yo kité sou tè-a. Yo minm, antan yo « antré nan
kè kontan » Granmèt yo-a, yo « instalé yo sou anpil » (cf. Mt 25, 21).
Intèsésion y-ap fè-a sé pi gran sèvis pou projè Bondié-a. Nou kapab épi
nou doué priyé pou yo intèsédé pou nou épi pou tout tè-a.

2684 Nan kominion sin-yo, pandan déroulman istoua l'Égliz-yo, gin diféran
912 *spiritualité* ki dévlopé. Karism pèsònèl yon témouin rinmin Bondié-a pou
moun-yo, li té kapab transmèt li, tankou « éspri » Éli-a bay Élizé (cf. 2 R
919 2, 9) épi bay Jan-Batis (cf. Lc 1, 17), pou disip li-yo té patisipé nan éspri
sa-a (cf. PC 2). Yon spiritualité sé koté divès kouran litijik épi téolojik
1202 koulé ansanm épi sa témouagné jan lafoua-a rantré nan yon kilti, nan
réalité moun-nan épi nan istoua li. Spiritualité krétyin-yo patisipé nan
tradision vivan priyè-a épi sé gid ki nésésè pou fidèl-yo. Nan richès
divèsité yo, yo réflété yon sèl limiè Éspri-Sin-an ki san mélanj-la.

« L'Éspri-a sé koté sin-yo yé-a vrèman. Sin-an minm sé koté Éspri-a vlé yé-
a minm, paské li ofri pròp tèt-li pou-l abité ak Bondié épi yo rélé-l tanp-li »
(S. Basile, Spir. 26, 62 : PG 32, 184A).

Sèvitè priyè-a

- 2685 *Fanmi krétyin-an* sé premié koté pou fè aprantisaj priyè-a. Antan-l
1657 fondé sou sakréman Mariaj-la, sé « Égliz lakay-la » koté piti Bondié-yo
apran priyé « kòm Égliz » épi pèsévéré nan priyè-a. Pou timoun piti-yo
sitou, priyè an famiy chak jou-a sé premié témouin mémoua vivan l'Égliz-
la, sa Éspri-Sin-an ap révéré ak pasians-la.
- 2686 *Minis òrdoné-yo*, yo minm tou yo résponsab bay frè ak sè yo nan Kris-
1547 la fòmasyon pou priyè-a. Sèvitè bon Gadyin-an, yo òrdoné yo pou yo gidé
pèp Bondié-a nan sous vivan priyè-a : Paròl Bondié-a, litiji-a, lavi
téologal-la, « Jodi-a » [ki prezans] Bondié-a nan sitiasion konkrè-yo (cf.
PO 4-6).
- 2687 Anpil *rélijyé* té konsakré tout lavi-yo nan priyè-a. Dépi apati dézè Éjip-
916 la, èrmit-yo, mouàn-yo épi monial-yo té bay tan yo pou louanj Bondié épi
intèsésion pou pèp li-a. Lavi konsakré-a pa rété kanpé ni éljaji san priyè-a ;
li sé youn nan sous vivan kontanplasyon-an épi lavi spirituèl l'Égliz-la.
- 2688 *Katéchèz* timoun-yo, jèn-yo, adult-yo sé sa l-ap chèché : pou Paròl
Bondié-a yo konsidéré-l ak méditation-an nan priyè pèsonèl-la, pou yo
aktualizé-l nan priyè litijik-la épi pou-l vîn antré pi fon toujou jous li
1674 donnin frui nan nouvo lavi-a. Katéchèz-la sé moman-an tou koté yo kapab
disèné épi édiké piété popilè-a (cf. CT 54). Aprann priyè fondamantal-yo
pakè (Mémorizé priyè fondamantal-yo) ofri yon sipò ki nésésè pou lavi
priyè-a, min li inpòtan anpil pou konprann épi gouté sa yo vlé di-a (cf. CT
55).
- 2689 *Group priyè-yo*, oubyin « lékòl priyè-yo », jodi-a yo fè pati sign épi
mouayin pou rénovlé priyè l'Égliz-la, a kondision yo plonjé nan dlo
véritab sous priyè krétyin-an. Pran souin kominion-an (fè youn ansanm-
nan) sé sign véritab priyè-a nan l'Égliz-la.
- 2690 Éspri-Sin-an bay kèk fidèl don sajès-la, lafoua-a épi disènman-an
poutèt byin komin priyè-a yé-a (*diréksion spirituèl*). Fi ak gason ki
résévoua don sa-a, sé véritab sèvitè tradision vivan priyè-a :

Sé poutèt sa, nanm-nan ki vlé progrèsé nan pèféksion-an, doué, dapré konsèy
sin Jan-d-lakoua-a, « byin konsidéré nan ki min l-ap rimmèt tèt-li ; paské jan
mèt-la yé-a, sé konsa disip-la ap yé, épi jan papa-a yé-a, sé konsa piti-la ap
yé ». Épi ankò : li nésésè pou diréktè-a « pa sèlman savan épi prudan, min
pou li ékspérimanté ; [...] si li pa gin ékspérians osijè sa ki bon éspri-a épi sa
ki vré éspri-a, li pap kapab kondui nanm-nan nan li, lè Bondié bay nanm-nan
sa, li pap minm rivé konprann sa » (llama strophe 3).

Koté ki favorab pou priyè-a

- 2691 Légliz-la, kay Bondié-a, sé koté ki spésial pou priyè litijik kominoté
1181, 2197 parouas-la. La tou sé koté ki gin privilèj pèmèt adoré prezans réyèl Kris-la
1379 nan Trè Sin Sakréman-an. Chouazi yon koté ki favorab gin inpòtans pou
vérité priyè-a :
- pou priyè pèsònèl-la, sa kapab yon « kouin priyè », ak Sint-Ékritu-yo épi kèk ikôn, pou nou kapab « nan sa-k kaché-a » dévan Papa-nou (cf. Mt 6, 6). Nan yon fanmi krétyin, mòd ti “oratoua” sa-a favorizé priyè ansanm-nan.
 - nan réjion koté gin yon monastè, vokasion kominoté sa-yo sé favorizé patisipasyon nan Priyè Lè-yo avèk fidèl-yo épi pèmèt moun-nan rété pou kont-li, sa nésésè pou priyè pèsònèl-la fèt ak plis konsantrasyon (cf. PC 7).
 - pèlerinaj-yo fè sonjé rout n-ap fè sou tè-a pou n-al nan sièl-la. Tradisyonèlman sé yon tan ki fò yo yé pou rénouvle priyè-a. Pou pèlrin k-ap chèché sous-yo ki vivan pou yo-a, sanktuè-yo sé koté spésial pou yo viv « kòm Égliz » divès fòm priyè krétyin-an.

RÉZIMÉ

- 2692 *L'Égliz ki an pèlerinaj-la, lè l-ap priyé, li mété-l ansanm ak priyè sin-yo, antan l-ap mandé yo intèsédé pou li.*
- 2693 *Diféran spiritualité krétyin-yo patisipé nan tradisyon vivan priyè-a épi sé gid yo yé ki gin anpil valè pou lavi spirituèl-la.*
- 2694 *Fanmi krétyin-an sé premié koté pou édikasyon nan priyè-a fèt.*
- 2695 *Minis òrdoné-yo, lavi konsakré-a, katéchèz-la, group priyè-yo, « diréksyon spirituèl »-la, yo édé pou priyè-a nan l'Égliz-la.*
- 2696 *Koté ki pi favorab pou priyè-a sé “oratoua” pèsònèl oubyin familial-yo, monastè-yo, sanktuè pèlerinaj-yo épi, sitou, légliz parouas-la ki pròp koté pou priyè litijik kominoté-a épi koté privilèjié pou adorasyon ékaristik-la.*